

瑜伽師地論本地分菩薩地真實義品講義八(2012)

一、列舉假說自性《批尋記》一一七八頁：

或謂為色乃至或謂涅槃者：此釋前標假立自性。初五蘊、次六根、次四大、次六境、次三性、次二無常相、次十二有支、次三世、如文易知。次有變異相即有為；次無變異相即無為。次業因即此世間；次業果即彼世間。次日月依持，為諸有情見色起故。次四言說，即所見聞覺知，依所見聞覺知起言說故。次希求證得未得未受用境，是名所求；已得正受用境，是名所得。最後乃至煩惱苦盡，即謂涅槃。如是一切假立自性，皆依尋伺而等起故，是故說言意隨尋伺。義通前後，故中間說。